

Wir verbleten bey vormeydung schwerer straff/das kein Düt-
tenschreiber/Maister/Schmeltzer/oder andere Düttenarbeiter bey
den Weshern ainigen tail / viel noch wenig/offentlich oder verpor
gener weis haben sollen.

Welcher auch inn einer Zeche/daruon man Ertz / Schlich /
oder anders in die Dütten/darinnen er stehet / zu arbeiten bringt/ein
halbe schicht/oder darüber hette/derselb sol solch Ertz vñ schlich
vmb verdachts willen/nicht selbst arbeiten/sondern solches andere
vnuerdechtige thuen lassen.

Die Schmeltzer sollen auch alles Pley / das sie dem Ertz im
schmelzen fürs schlagen/zuvorn auff stücke hawen lassen/ vñ nicht
im herde lassen zergehn/Es würde dann sehr reich Ertz gearbeitet.

Der Vierdte Artickel.

Von vnderricht vnd ordnung des Schmeltzens.

Unachdem man zuvor auff den stich geschmeltzt
hat/vñ ob sich gleich der zeng im ofen wol gearbeit
So ist doch im stechen/Schlackenpley/vnd Schl-
ackenstain/alles vngeschaiden inn den Tigel geflo-
sen/Also wo man ein schicht Ertz geschmeltzt/das
man alwegen vier/fünff/sechs/ vnd biss inn sieben
schicht Schlacken/vnd ofenprüch von demselbigen Ertz/hinach
geschmeltzt/welches biss her ein grosse verschwendung an Welden
Kohlen/Pley/vnd Düttenkosten verursacht/ vnd gemacht hat/
Dieweil wir aber war genuhmen / das auff Reichen vñd Armen
Ertzen / inn Vnsern Erblanden / viel ein geschickter vñd besser
schmelzen gebraucht wirdet/Daben Wir Vns / vnd Vnsern Ge-
wercken zu nutz vnd gutem / etliche vorstendige schmeltzer inn den
Joachimsthal beschaiden/die nu im werck vnd augenschein erwi-
sen/das alle Ertz/in der ersten Ertzschicht/auff ihr art / offen ge-
richt vnd zumachen mit offnem aug auff den gang zuschmelzen /
die erst schicht rain vñd sauber geschmeltzt mügen werden / Also
das fürthin keiner schlacken nachschicht von nöten / es sey dann /
so man eyner Gewerckschafft ihr Ertz gar auff geschmeltzt hat /
das man die letzt schicht/von der vorigen Schicht/vber bliebenen
ofenprüch vnd schlacken geschmeltzt werde/Vnd nach dem aber/
einem itzlichen Ertz neben andern zusatzen/schlacken zugeschlagen
werden müssen / Vnd ob wie dann auch nit radt sein mag / etliche
schlacken/vñ sonderlich die zu anfang/oder zuausgang der schicht
aus dem ofen gehen/oder die zu nechst auff dem stain ligen/noch et-
was reich oder wercklich befunden/dieselben werden auff die volgens
schicht dem Ertz zugeschlagen.